

Jina .....Nambari ya Mtahiniwa.....

Sahihi ya mtahiniwa.....Nambari ya Usajili.....

Shule.....Tarehe.....

## BUNAMFAN CLUSTER EXAMINATIONS 2021

102/3

KISWAHILI

FASIHI

Karatasi ya 3

Muda: Saa 2½

DESEMBA

### Maagizo

(a) Andika jina lako na nambari yako ya mihani katika nafasi ulizoachiwa hapo juu.

(b) Tia sahihi yako kisha uandike tarehe ya mihani katika nafasi ulizoachiwa hapo juu.

(c) Jibu maswali **manne** pekee.

(d) Swali la **kwanza** ni la **lazima**.

(e) Maswali hayo mengine matatu yachaguliwe kutoka sehemu nne zilizobaki; yaani: Riwaya, Ushairi, Hadithi Fupi na Fasihi Simulizi.

(f) Usijibu maswali **mawili** kutoka **sehemu moja**.

(g) Majibu yote **lazima** yaandikwe kwa lugha ya Kiswahili.

(h) Majibu yote **sharti** yaandikwe kwenye nafasi ulizoachiwa katika kijitabu cha maswali.

### Kwa Matumizi ya Mtahini Pekee

Sehemu	A	B		C		D		E
Swali	1	2	3	4	5	6	7	8
Alama								

## SEHEMU YA A: TAMTHILILA

(Kigogo – Pauline Kea)

1. Swali la lazima.

- a) “Yaani umenonaje wewe? Waona mimi ni ganda la muwa la juzi.”
- i. Eleza muktadha wa dondo hili. (al. 4)
  - ii. Tambua mbinu mbili za kimtindo katika dondoo hili. (al. 2)
  - iii. Fafanua jinsi wahusika walivyogeuzwa ganda la muwa katika tamthilia. (al. 6)
- b) “Niko tayari kuwaweka pahali pao mmoja baada ya mwingine.” “... Wamesahau vipi wasilolijua?”

Eleza umuhimu wa matumizi ya mbinu rejeshi ukirejelea dondoo hili. (al. 12)

## SEHEMU YA B: RIWAYA

(Chozi la Heri – Assumpta Matei)

*Jibu swali la 2 au 3*

2. a) Baba, umewahi kumwona mtoto wa miaka hamsini ambaye hajasota; sikwambii kusimama dede?”
- i. Eleza jazanda iliyotumika katika dondoo hili. (al. 2)
  - ii. Thibitisha kuwa mtoto anayerejelewa hajasota wala kusimama dede. (al. 8)
- b) Eleza umuhimu wa mazungumuzo baina ya Tila na Ridhaa. (al. 10)
3. i) Eleza umuhimu wa barua aliyoiandika Bwana Kalima kwa Lunga. (al. 10)
- ii) Soma kifungu hiki kisha ujibu swali.

Mkuu wa shule, walimu na wanafunzi wenzangu, swala la uhifadhi wa mazingira ni jukumu la kila mmoja wetu. Tumeona jinsi misitu imevamiwa na viongozi wenye mate ya fisi. Nasikia baadhi ya vinara wa taasisi mbalimbali ya umma wamewaacha wanyama kama mayatima kwa kuwapoka makazi yao. Maelfu ya maekari ya misitu yamefyekwa na kujengwa viwanda. Badala ya mibambakofi na miti mingine inayosafisha hewa, michai imetwa nafasi yake. Wanaohusika na matendo haya wanapoulizwa hudai kuwa michai si adui wa mazingira! Wengine wanasema kwamba misitu haina budi kukatwa ili kupanda mimea inayotoa chakula. La kuhuzunisha ni kwamba hawa hawa wanaosema hivyo ndio wanakita majengo ya kifahari katika maeneo yanyofaa

kutengewa upanzi wa chakula! Wengine wamediriki kunyakua hata madhabahu kwenye Mlima wa Nasibu ili kujenga hoteli kubwa za kitalii. Wazee wetu hawana hata pahali pa kuchomea kafara! Tunakata miti bila kupanda mingine. Tazameni shuleni humu! Hata mabustani ya maua tunashindwa kuyastwisha! Tukiendelea hivyo, bila shaka sehemu sehemu yetu itakuwa jangwa!

Fafanua maudhui yoyote kumi yanayojitokeza katika dondoo hili. (al. 10)

## SEHEMU YA C: USHAIRI

*Jibu swali la 4 au 5*

### 4. Soma shairi lifuatalo kisha ujibu maswali

Sikilizeni wimbo huu:

Niliokuwa mtoto nilitwa chacha

Kwa matamshi yangu ya sasa

Nilipokuwa mtu mzima niliitwa Manywele

Nilipokuwa mwalimu nikaitwa Bure.

Huu utakuwa wimbo wako Utakapostaafu

urudipo nyumbani Umelewa kangara na

nyayo zako

Zikishindwa kulenga njia nyembamba vijijini.

Utakuwa kichekesho cha watoto Watakaoukuita,

Ticha! Popote upitapo.

Kumbuka mwalimu utakapostaafu, Mijusi

watataga mayai ndani ya viatu Vyako

vilivyokwisha visiginino.

Na ndani ya sidiria chakavu

Zilizoshikizwa Kamba kwa pini

Mende watazaliana ndani ya chupa tupu Za

marashi na za bia.

Na manyigu yatajenga ndani ya kofia

Zilizosahaulika kutani

Utakapokufa nge watazaliana Chini

ya jiwe juu ya kaburi lako, Na mlevi

fulani akipita atapenga

Na kupangusa vidole kwenye jiwe pweke  
Mwanzo na mwisho wako ndio huo.

Lakini wakati ungali hai  
Unaweza kubadilisha mkondo wa maji Lakini  
kwanza mzungumze. Wewe na mimi. Acha  
mioyo yote izungumzwe  
Baada ya kunyanyaswa Na  
kisha nusu mshahara.

Utafundisha tena nyimbo kuwasifu viongozi?  
Utafundisha tena ngonjera?  
Utapeleka tena wanafunzi asubuhi  
Wakajipange barabarani kusubiri Mgeni  
afikaye saa kumi na apitapo  
Apunga tu mkono kuwatia kichaa cha shangwe Na  
huku nyuma mwasambaa na njaa?  
Tazama hilo runda madaftari mezani  
Utalimaliza kwa mshahara mkia wa mbuzi?  
Tuzungumze. Ninyi na mimi.  
Acha mioyo yetu izungumze  
Mkiwa waoga na kujikunja kama jongoo  
Mtawekwa kwenye vijiti na kutupwa Nje ya  
ua, ndani mtawaacha  
Wacheza ngoma wakitunga nyimbo mpya

Sikilizeni walimu,  
Anzeni kufundisha hesabu mpya  
Mjinga mmoja kujumlisha na wezi ishirini Ni  
sawa na sifuri. Hapana utawala Fundisheni  
historia historia mpya  
Hapo zamani za sasa  
Hapakuwa na serikali.

Sikilizeni kwa makini  
Umoja hatuna  
Twasambaratika kama nyumba  
Tulicho nacho ni woga,  
Na kinachotuangusha ni unafiki. Lakini  
tusikate tamaa kama mbuni. Tukiupata  
umoja bado tunayo silaha. Kura.

## **Maswali**

- (a) Fafanua sifa za shairi huru zinazojitokeza katika shairi hili. (al. 5)
- (b) Eleza jinsi maudhui ya utamaushi yanavyojitokeza ukimrejelea nafsi-nenewa. (al. 4)
- (c) Nafsi-nenewa anapaswa kujilaumu kwa masaibu yake. Thibitisha. (al. 2)
- (d) (i) Bainisha nafsi-neni katika shairi hili. (al. 1)
- (ii) Taja toni ya shairi hili. Toa mfano. (al. 2)
- (e) Eleza matumizi mawili mawili ya usambamba na jazanda katika shairi hili. (al. 4)
- (f) Eleza maana ya kufungu kifuatacho:
- Mjinga mmoja kujumlisha na wezi ishirini ni sawa na sufuri. (al. 2)

### **5. soma shairi kisha ujibu maswali.**

Leo ‘mekuita,  
Kwa upole nitanena,  
Tabiya hii yako mwana

Nikupe ya moyo  
“Kayatiye masikiyo  
Si yetu tujuwapo

Uli wa kulaza damu,  
Pahala nawe hudumu,  
Hutufai nawe humu,

Na uzembe uzidiyo  
Uchaoni mbiyombiyo  
Na hiyo shambiroyo

Wapendani naumi,  
Hulimi na walimi  
Haya sijaona mimi,

Uniizia gange  
wataka ukajitenge  
Nakuasa ujichunge

Mwiza kazi yu wa chira  
Asiyeta ajira  
Ndiye muja wa hasara,

Ni andewaye tenge  
Wala hashiki shilange  
Hubomoa asijenge

Unavitaka vya bure  
Lako ndizo hamurere  
Uchao ‘wa ‘tuza bure.

Hulitoa jasho lako  
Umebaki mitiko  
Sizo zetu nyendo zako

La mno lako ni ung’are  
Uturi ujirashire  
Hukosi kuzua ghere

Uzirembe nyele zako  
Ukatembe kwa deko  
Na marashi ya mnuko

Unazani utaoa?  
Jasho nalo hujatoa,  
Utaithibiti ndoa?

Unafaa kujitoa,  
Na mali ukayazoa,  
Ndipo utapopoa

Si mambo ya kutanga,  
Chunga utajikaanga  
Mchumba chumbiya mwenga

Utafanyani kiwatunga  
Na hilo likawe janga,  
Mwanangu hutochenga

Kisomo ndiyo unayo,  
Ujuzi unao kocho,  
Upate ukitakacho

Mwana wa 'ntiya kichocho  
Umekuwa kitumiwacho  
Unawapa wapendacho

Komu mwanangu ukome  
Usombombi ukome,  
Sitakwita te'niseme

Ukware si kuwa dume  
Wa itaha ndiye dume  
Muungwana ja kimeme

Mradi unayo masikizi  
Kazituwe nyendo hizi,  
Ukasuhubiye kazi,

Nakoma zaidi s'ezi  
Nimekuweko na juzi,  
Nimejizolea ujuzi,

Utamwoa wa nani?  
Utachokishika nini?  
Wa kukubali nani?

Fanye kazi kwa manani  
Hamadi i kibindoni  
Ukamtafute mwendani

Fi na huhu fi na yule  
Umetujile uwele  
Na yule ukamuole

Himila wakahimile  
Na lije likulemele  
Na wote wakikujile

Shahada umejitwaliya  
hutaki kuutumiya  
Kile cha kukufaiya

Kwona umejiachiya  
Kidhani wawatumiya  
Na wanachokutakiya

Usinifishe mveyeleo  
Ukome kwanzia leo  
Ishapita hii leo

Dume ni ajira  
Anakheshimu nafseo  
Fikira nokwelezeo

Haya umenisikiya  
Ukawe wa kutuliya  
Halafu itakufaiya

Yametosha mekwambiya  
Miyaka menipitiya  
Na ndiyo ha 'nakupa haya

## **Maswali**

- a) Fafanua sifa za kiarudhi za shairi hili. (al. 3)
- b) Kando na kigezo cha idadi ya mishororo, chambua bahari nyingine tatu za shairi hili. (al. 3)
- c) Huku ukitolea mifano mwafaka, fafanua mambo mawili aliyofanya mshairi ili kukidhi mahitaji ya kiarudhi. (al. 2)
- d) Andika ubeti wa nane kwa mtindo tutumbi. (al. 3)
- e) Tambua mbinu zozote mbili za lugha zilizotumiwa na mshairi. (al. 2)
- f) Eleza dhamira ya shairi hili. (al. 1)
- g) Tambua nafsi-nenewa katika shairi hili. (al. 1)
- h) Ni nini toni ya shairi hili? Eleza. (al. 2)
- i) Eleza maana ya misamiati ifuatayo kama iliyotumika katika shairi hili. (al. 2)
  - (i) ghere
  - (ii) sitaha

### **SEHEMU YA D: HADITHI FUPI**

*(Tumbo Lisilodhiba na Hadithi nyingine –A. Chokocho na D. Kayanda)*

*Jibu swali la 6 au 7*

6. ‘‘Dunia we’ duinia. Dunia ya mwenye nguvu, si ya mimi dhaifu wa nguvu. Dunia ya msumari moto juu ya donda bichi.’’

- a) Thibitisha jinsi dunia ilivyokuwa msumari moto juu ya donda bichi kwa mhusika katika dondoo hili. (al. 10)
- b) Eleza jinsi maudhui ya ushirikina ulivyojitokeza katika hadithi ya Tulipokutana Tena. (al. 10)

### **7. Shibe Inatumaliza**

- a) ‘‘Mh! Ati kama mimi. Kwani wewe umekula nini?’’  
‘‘Mimi? Hata sikutazama. Nimekomba tu. Wewe je?’’
- a) Eleza muktadha wa dondoo hili. (al. 4)
- b) Tambua mbinu zozote mbili za uandishi zilizotumika katika dondoo hili. (al. 2)
- c) Eleza jinsi wahusika mbali mbali walivyokomba rasilimali bila kutazama. (al. 8)
- d) Tambua umuhimu wa DJ katika hadithi ya Shibe Inatumaliza. (al. 6)

## SEHEMU YA E: FASIHI SIMULIZI

### 8. Soma kifungu kifuatacho kisha ujibu maswali.

Wekamaya ndiye aliyemuumba binadamu wa kwanza akamwita Omwami. Jina hili Wekamaya alipewa kwa sababu wanajamii wa Omukwasi waliamini yeye ni mungu mwenye wema. Kwa sababu hii, siku moja alipokuwa akitembea katika bustani yake, Wekamaya alijiambia, “Singependa Omwami wangu wawe wakifa kabisa, nataka afufuke.”

Wakamaya alikuwa na wake wawili, Shiswitswi na Ngoitsi. Katika ndoa yao, Wamukaya aliweza kungamua kuwa Ngoitsi alikuwa mke aliyependa kutia chumvi katika maneno na hata kusema kinyume ya aliyambiwa. Pia, alikuwa kigeugeu kama kinyonga. Kwa upande mwingine, Shiswitswi alikuwa mwadilifu na aliyejawa na busara kedekede. Alikuwa mkweli.

Wamukaya alipoona kuwa wakati umefika wa kumpasha Omwami habari ya uzima, alimwita mkewe Shiswitswi na kumwambia, “Nenda bustanini na umwambie Omwami kuwa atakayekufa atafufuka.” Shiswitswi akaiitika na kusema, “Ndio Wakamaya!” Katika harakati hizi, kumbe Ngoitsi alikuwa kasikia alivyotumwa Shiswitsi. Akajiambia mwenyewe, siwezi kugeuzwa ganda la muwa, ujumbe huu ntaipeleka mimi, ndiyo Omwami aniheshimu. Kwa kuwaza, akakumbuka udhaifu wa mke-mwenza wake ambao ulikuwa kuwa mpole. Akala yamini kuutumia.

Shiswitswi alianza safari na kuwaaga kwenda kwa bustani. Akatembea, akatembea, akatembeaaaaa! Alipofika baada ya siku mbili alishangaa kumpata Ngoitsi tayari bustanini. Tayari keshampa Omwami ujumbe, “Wamukaya amesema kwamba watakokufa wataangamia milele” na Omwami kwa mshutuko tayari alishatoweka kutoka bustanini kwa kilio.

Na huu ndio mwisho wa hadithi yangu.

### Maswali

- a) Tambua kipera hiki cha hadithi. (al. 2)
- b) Kwa nini mtambaji anatumia maneno “Na huu ndio mwisho wahadithi yangu.” (al.4)
- c) Tambua sifa zozote sita za kimtindo zinazojitokeza katika hadithi hii. (al. 6)
- d) Fafanua njia zozote nne ambazo unaweza kutumia kukusanya data kuhusu kipera hiki. (al. 6)
- e) Eleza njia zozote nne zinazoweza kutumika katika jamii ya kisasa kuendeleza kipera hiki. (al. 4)

